

**ORATIO DE
FACILIORE
DOCENDAE
DISCENDAEQUE
MATHESEOS...**

Johann Heinrich Stuss, Valenti
Gonzaga



IRO ILLUSTR
AC SUMME VENERABILI
IVSTO CHRISTOPHORO
REICHE

SERENISSIMI ET POTENTISSIMI
ELECTORIS BRUNSVICENSIS AC
LUNEBURGENSIS CONSILIARIO
IUSTITIAE INTIMO, COENOBII
ATQUE COLLEGII ILFELDENSIS
ADMINISTRATORI MODERATO-
TORIQUE GRAVISSIMO, IMMORTALIUM
IN PUBLICAM AEQUE
AC LITTERARIAM REM MERITORUM
GLORIA INCLITO
AUSPICALEM HANCCE ORATIONEM
PRIMUM MONIMENTUM
LABORIS ET STUDII CIRCA ΤΟ ΔΙΑΚΤΙΚΟΝ

INTRA SVBMISSAE GRATAEQVE MENTIS
ARGVMENTA

TESTIFICATIONEM RELIGIOSAM
FIDEI, OBSEQVII,

IMPENSIORIS INDVSTRIAE
NAVANDAE

PRO CVLTV INGENIORVM

HOC IN GYMNASIO AD DEI GLORIAM
AC REI COMMVNIS VTILITATEM

PRAEFORMANDORVM

DICO ATQVE CONSEURO

NEQVE NON

VITAM, SALVTEM. ET QVAE

PLIS VOTIS EXPETI AB AETERNONVMINE POSSVNT

DEVOTISSIMO CVLTV

PRECOR

IO, HENK. STVSS.

*SERENISSIMI POTENTISSIMIQUE ELECTORIS
BRVNSVICENSIS AC LVNEBURGENSIS*

*NEQUE NON
ILLVSTRISSIMORVM COMITVM STOLBER
GENSIVM*

*COMMISSARII MAGNIFICI, INCLITI, SUMME,
QUE OBSERVANDI,*

*HOSPITES OMNIVM ORDINVM HONORATISSIMI,
COLLEGAE MVLTIS NOMINIBVS COLENDI,
TVQUE FLORENTISSIMA STUDIOSORVM IUVENVM CORONA*

ET ratio suadet, et necessitas exigit, et vsu receptum, prudentumque iudicio comprobatum semper est, vt, qui negotium aliquod maioris momenti suscipiunt, curatis ante cogitationibus perpendant, quibus auspiciis quam optime incoari; quibus rebus ex sententia promoueri; quo denique modo ad optatum finem quam felicissime perducere illud queat. Nemo sane artificum erudita quidquam manu fabricantium in opere suo elaborat, quin eius formam atque imaginem, aut delineatam ante oculos, aut certe animo habeat comprehensam. Manifestum enim est, coecum quemdam casum, et vagam temeritatem nihil egregii ea in re praestare posse, quae certa ratione, et circumspecto valde consilio est efficienda. Architectus, qui quidem sapiat, ad exstruendum aedificium non ante manus, quam mentem admouebit; non ante valida operariorum multitudo, ferrarumque et securium ingenti strepitu ac fragore in materiem grassabitur, quam tacita animi simulacrum suum aedificantis agitatione formam, et magnitudinem, et partes omnes

A

mnēs

ORATIO AVSPICALIS

mnēs aedificiū surrecturi probe dispexerit , dispectas ordinauerit, ordinatas iunxerit, iunctas firmiter, et ornatas decorē erexerit: stilique ad circinum et amussim ducti acie , parua in imagine, oculis subiecerit. Fieri enim non potest, vt absque sollicita huiusmodi consideratione architectus satis suo faciat officio, et pro spatii amplitudine, ac futuri possessoris dignitate aedes exstruat, in quibus, quod vnum est, medium occupante locum , omnia ex vtroque latere proportionē iusta sibi respondeant, omnia ad necessitatem atque vsum adcommodata, ad speciem et venustatem ornata, ad stabilitatem denique firma sint atque diuturna: et ita feliciter aemula *naturae*, quam *artem DEI in materia* recte dicunt Platonici. Quae quidem ars artificis omnium sapientissimi admirabili consilio in animati corporis structura, quae bina sunt membra, aequabili interuallo vtrimque, quae singula , vtī os, quasi portam, in medio collocauit; quae adspectum essent turpem atque deformem habitura, ea contexuit atque abdidit: et omnia ita est fabricata, vt quae maxime essent necessaria, et maximam vtilitatem in se continerent, eadem haberent plurimum vel dignitatis, vel saepe etiam venustatis.

Qui militaria construere opera, valloque et propugnaculis locum aliquem communire satagit , radiis primum numerisque suis omnia dimetitur ; et minutam ante maximorum operum effigiem in charta designat , secundum quam moliantur deinde in campo laborantium manus aggrores variis anfractibus circumductos , inque cornuum , aut forcipum, aut coronarum quamdam

ORATIO AVSPICALIS

dam similitudinem compositos ita atque incisos, ut qui oppugnantur veniunt, telis defensorum quam maxime sint expositi, ipsi autem loricis suis, et procurrentium sua lege propugnaculorum mutua inprimis defensione tuti, parua manu ingentem multitudinem arcere queant,

Pictores, qui quasi simulacrorum architecti, naturae et artis opera omnia penicillo suo repraesentant, dimenso primum, et in partes diuiso spatio tenuibus picturam curate adumbrant lineis: et sollicitè id agunt, ut situm, et conformationem rerum, et partes omnes iusta designent proportionem, et conspectui eo modo exponant, quo natura ipsa admirabili lucis vehiculo pro vario, quo spectantes constituti sunt loco, variegatas eas ad oculum deferret. Quare qui norunt, quid in praeclara hac arte sit praecipuum, non tam colorum varietatem, fulgoremque, quam ipsam primam operis delineationem spectant: quae si bene se habet, facile illustrari coloribus; sin vero, difficillime hisce corrigi vitium, aut dissimulari potest.

Iam res ipsa clamat, quid agendum, quid inprimis omni cura atque sollicitudine spectandum ei sit, cuius est in animis adolescentum, tamquam in areis non solum vacuis, sed et persaepe similibus loco vepribus obsito, et sordium ac quisquiliarum acervis squallido, quoddam melioris doctrinae quasi aedificium erigere; eosdem pietatis, et virtutum propugnaculis contra inimicorum bonae mentis insultus communire, et decori in omni vita atque usu hominum observandi grato quodam et probò colore

ORATIO AVSPICALIS

lore tabulas illas, ex Aristotelis sententia, raras ita imbueri, atque exornare, ut in omni institutione diligenter attendatur, quid naturae sit consentaneum, quid sensus communis ferat, quid abhorreat, quid usu vitae commendetur, quid scholae tantum seruiat; ut tenera aetas quae didicit, non tam scholae, quam vitae didicisse videatur. (a) Adparet nimirum, cogitandum curate esse de obstaculis remouendis, de purganda quasi area, de recte ducendis primis aedificii illius litterarii lineis, eiusque partibus pro vario discentium captu, et instituto, et fortunis, uti fieri solet in aedibus pro spatii, et futuri incolae amplitudine, ac usu, varie designandis: cogitandum esse de fundamentis probe collocandis; quae et in hoc institutionis negotio si minus firma, minus solida sunt, non potest non quicquid inaedificatur, vacillare atque corruere; quaeque et haec plus operis habent, quam ostentationis; nec ad pompam et speciem, sed ad usum, et necessitatem debent esse comparata: denique id esse agendum, ut concordia inter socios laborum sit perpetua, ne diruat alter id quod alter aedificat: sed ut operae omnes debito modo inter se connexae sint atque coniunctae, et ad totius aedificii compagem quam maxime congruentes.

Atque hoc est, quod propositum mihi semper erit; propositio iam Numine, et alacri, neque plane imparata mente, non poenitendum erudiendae iuuentutis munus nunc auspicanti: quippe cui, diuina prouidentia; SERENISSIMI AC POTENTISSIMI PRINCIPIS AC DOMINI, DOMINI GEORGII LUDOVICI, sacri Romani imperii Electoris et Archithesaurarii, cetera.

ORATIO AVSPICALIS

tera, Domini mei multo clementissimi summa auctoritate; emi-
nentissimi ELECTORALIS CONSISTORII suffragio; benignissima
voluntate illustris VIRI, IVSTI CHRISTOPHORI REICHE, Con-
siliarii iustitiae intimi, et Administratoris coenobii huius summe
venerabilis; praesentibus ILLUSTRISSIMORVM COMITVM ac DO-
MINORVM STOLBERGENSIUM, Dominorum meorum perquam cle-
mentium praelustribus Commissariis, compluribusque hospitibus
spectatissimis; interprete summe reverendo atque excellentissimo
VIRO, PHILIPPO LUDOVICO BOEHMER, sanctae theologiae Doctore,
Electoralis Consiliario ecclesiastico, capituli Wunstorpiensis Prae-
lato, et Superintendente ecclesiarum per ducatum Calenbergicum
generali, iam iam provincia correctoris in inclito hoc collegio
et paedagogio Ilfeldensi rite est demandata.

Hoc, quod dixi, laborum in schola propositum DEVM opti-
mum maximum velle; hoc EOS, quorum clementi dominationi
humillime sum subiectus, poscere; hoc parentes observandos,
qui fidei nostrae credunt carissima pignora sua, in hoc eruditio-
nis sacrario ad omnem humanitatem formanda, cupere; hoc
collegas honoratissimos, coniunctissimosque, et lectissimos scho-
lae nostrae alumnos experere: hoc denique ipsum antiquam
scholae gloriam, et domestica, quae in utramque partem huius
interuenerunt, exempla monere, numquam non recordabor.
Cumque officii ratio exigat, ut iuxta cum tradendis graecis ac
latinis litteris, theologiae etiam et philosophiae elementis, circa
mathematicas imprimis disciplinas diligenter pertractandas ope-
ra versetur mea; tenui iam sermone auspicali exponere visum
est:

ORATIO AVSPICALIS

est: Quenam ante omnia rectissimorum studiorum obstacula remouenda esse, et qua ratione inania terriculamenta, quae ab vtilissimo matheſeos studio detertere multos solent, eo fere modo, quo quam optime linguae traduntur, feliciter tolli, facilesque ad illam aditus confieri posse videantur.

Vos, *Auditores omnium ordinum honoratissimi*, non solum petitioni meae, qua, quod solent in concione dicturi, demisse a vobis contendo, sed et argumento sermonis, et loco, et ei, quo meliores litteras, scientiasque prosequimini, studio facile, spero, hoc dabit, ut breuem et potiori rerum, quam sonantium verborum cura meditatam orationem attente atque beneuole exaudiat,

Si quis vel paullum animum aduertens inquirat, *Auditores ornatissimi*, ecquid illud sit, quod a pulcherrimarum rerum studio deterreat; nominique suo minus respondentem reddat studiosae quae dicitur, iuuentutis magnam partem: is quidem facile deprehendet, duas praecipue esse quasi larvas, oculis eorum, qui rectum alias iter essent ingressi, obuersantes, atque ipsos falsa quadam persuasionem, aut inani formidine iniecta in transuorsum rapientes. Larvas dico, opiniones illas perniciosas, quae praeclara, eximia, fructuosa in litterarum studiis multa tamquam res leues, inanes, futiles, tamquam difficiles nugae scholarum umbratice pulueri relinquendas, et ab elegantiori iam saeculo fastiditas repraesentant: vel quae difficultatem fingunt insuperabilem in iis, quibus omne pretium refragante communi existi-

ma-

matione, abiudicare non possunt: quae quidem laudanda fatentur; sed viam ad ea nimis asperam, nimis impeditam spinis atque vepribus, et ob praerupta saxa quasi desperatam caussantur: se vero planius et expeditius ad opes, et honores, et omnes vitae commoditates iter monstrare iactitant. Hae sunt blandae illae hominum deceptrices, quas iam olim gravissimus philosophus Cebes in pulcherrima sua tabula, speculo illo vitae humanae exactissimo, et Pythagoricae, Socraticaeque philosophiae compendio vere aureo depinxit. hae sunt illae pestes, quae ingredientes in vitam non solum a doctrinae melioris, sed et a verae virtutis arduo atque ad salutis templum ducente tramite ad ignavae et luxuriosae voluptatis poenitendas tandem illecebras abducunt. His igitur, cum insidiis suis impeditum eunt, ne animi virtutibus, et ingenia scientiis solidis excolantur, his inquam, mature occurrere, his summa contentione resistere, si cuiusquam, certe eorum est, quibus in scholis, bonae mentis officinis, vera et sanctissima religio nostrae consentanea animorum cultura, at quantum et quam arduum opus! est demandata. Hos res ipsa, et qui laboribus ipsorum propositus esse debet finis omnem movere lapidem iubet, ut necessitatem eorum, quae a multis spernuntur, perspicuis et ponderosis ostendant rationibus; et liquido suis ob oculos ponant, eos tantum, qui vel virtutibus christiano homine dignis plane carent, vel temporum infelicitate, aut sua negligentia praecipuas quasdam bonae eruditionis partes non attigerunt, strenue easdem contemnere, ne quid ipsis necessarium deesse videatur: non igitur horum hominum

ORATIO AVSPICALIS

fiūm liūdo , et tacita cōscientiæ cōtrādictiōe dāmnāto ; sed cum religioſo rectæ rationis , tum candidiori , meliorique magnorum in republiā virorum iudicio , qui iuſtum virtuti , et bonis litteris pretium ponunt , eſſe ſtandum.

Tum vero etiam præcipua magiſtrorum cura atque fidelis induſtria in eo verſari debet , vt difficultatem , quæ tirones ter-
rere poſſit , omni meliori modo tollant ; vt plana illos et facili,
et , quoad eius fieri poteſt , compendiaria via ad bonæ eruditio-
nis penetralia deducant : vt ipſas radices doctrinæ , antiquita-
tis , et perpetuæ experientiæ teſtimonio amaras dulcedine qua-
dam , neque ea inſalubri condiant ; vti vaſculo inſuaue paru-
lis pharmacum exhibenti mellitum quid ſolet circumlini ; vt cu-
piditatem atque ardorem diſcendi cereis adoleſcentum animis in-
iiciant , quo illi inflammati in ſcholam , tamquam in litterarium
vere ludum , tamquam ad epulas ſuauiſſimas properent : quod
cum efficitur , facile eſt exiſtimatu , quantos breui tempore in
omni liberali diſciplina progreſſus excitatum illud mutua alacri-
tate docentum , diſcentumque , et blanda animorum coniunctiōe
delinitum ſtudium facere queat.

Atque hoc ipſum curæ cordique mihi futurum , vt oſten-
dam quodammodo ; tenui hac prolutione ea nunc indicare vi-
ſum eſt , quibus difficultates a mathēſios ſtudio detertere quem-
quam valentes , aut imaginarias eſſe , aut tolli , vel ſuperari facile
poſſe , verſatiſſimorum in hoc genere virorum monitis , cum in
publi-

ORATIO AVSPICALIS

publicum datis typorum beneficio, tum priuatim mihi Imperi-
 titis, et mea quadam experientia sum edoctus. Difficultatis
 enim laruam a rebus mathematicis, optimis illis vitae huma-
 nae praesidiis, et suauissimis animorum deliciis, plures abs-
 terrere, ac segnitiei speciosum magis patrociniū praebere,
 quam illam, quae praetextu inutilis et non necessarij laboris
 incautos fallit, nemo non videt. Siquidem numerandi, me-
 tiendi, iustas rerum proportionēs inueniendi, ad minima, et
 remotissima adhibitis vitris oculorum aciem extendendi, sive
 sum cursus, et ex iis tempora distinguendi, aedes, et munimen-
 ta exstruendi, pondera eleuandi, varias denique machinas
 excogitandi scientiam humano generi tam vtilem, et tam ne-
 cessariam esse, quam quae maxime, nemo facile negabit; nisi
 qui eo infaniae, aut impudentiae processerit, vt negare ausit,
 solem in meridie lucere. Praeterea satis eadem se tuerur gra-
 uissimo summorum in aulis virorum iudicio, qui hominem in
 vita actiuosa, et rei tam publicae, quam priuatae negotiis cum
 fructu versari cupientem bene exercitatum esse volunt in iis
 mathematicorum doctrinis, quae ad vsum vitae inprimis sunt
 adcommodatae. Quibus quidem haec etiam felicitas, egregiis
 quibusdam studiis inique negata, obtrigit, quod delicati iam sac-
 culi aequiore sententia accensentur partibus eius eruditionis,
 quae curiosae, elegantis, pragmaticae titulo commendatur;
 cui aliam solent opponere, quam tetricam, morosam, tristē,
 umbraticam, et nescio quo paedagogico paedore obitam di-
 cunt. (b)

B

Iam

ORATIO AVSPICALIS

Iam hoc primum confidenter adfirmo: difficultate tantum inevitabili inuolutas esse sublimiores illas in re mathematica, et quasi mysticas contemplationes, quibus viri in hoc genere ab ineunte aetate versati, et otio adfluentes, ingenia, quo magis recepere, eo magis, iuxta effatum Senecae, laxata, atque adeo diuturno usu capacissima exercent; et fastigium mathematicum, quod iam communem oculorum aciem fugiens quasi inter nubila sese condit, altius altiusque euehere laborant: contra vero plana esse, et facilia, et expedita, nisi peruersa docendi ratione implicentur, quae ad necessitatem inprimis, et ad usum sunt comparata. Vti in omnibus tere rebus insigni hoc naturae beneficio diuinitus fruimur, quod obuia sint, et paratu facilia, quibus maxime indigemus: cum abdita magis experiamur, et multo demum labore conquirenda, quae tantum non ad curiosae mentis interminatam sciendi cupiditatem, aut ad meras delicias inuestigantur. (c) Certe in mathesin etiam congruit, quod est apud Ciceronem de philosophiae studiis: (d) *Ista discuntur, inquit, facile, si et tantum sumas, quantum opus sit, et habeas, qui docere fideliter possit, et scias etiam ipse discere: sed si tota vita nihil velis aliud agere, ipsa quaestio et tractatio quotidie ex se gignit aliquid, quod cum desidiosa delectatione vestiges: ita fit, ut agitatione rerum sit infinita cognitio. facilis usus doctrinam confirmet, mediocris opera tribuatur, memoria studiumque permaneat.*

Verum ut proposito nunc prescius insistam, delibabo portiora quaedam momenta, quae in aliis disciplinis, et potissimum
in

ORATIO AVSPICALIS

in linguis tradendis methodum constituunt facili, et perspicua, neque manca tamen breuitate iucundam, adeoque, vti linea omnium breuissima recta est, rectissimam: et prudenti auditorum iudicio exponam, quatenus ex his ad mathesin commodè adhiberi posse videantur. Cumque infiniti operis esset, excutere ac recensere consilia omnium, qui de methodo scripserunt, quorum ingentem numerum exhibet, nec tamen omnes complectitur Morhofius in Polyhistore; non nisi ea, quae minus in dubium reuocatum, atque aequis rerum aestimatoribus facile probatum iri confido, in medium adducam. Primum igitur id quod modo dixi de facilitate eorum, quae in disciplinis mathematicis cognitu maxime sunt necessaria, illustrari quodammodo, et confirmari potest ex eo, quod illustris auctor, qui *Medicinam mentis et corporis* scripsit, eo loco, vbi de methodo linguas tradendi agit, e tribus in qualibet lingua perfectionis gradibus, vti maxime necessarium, ita facillimum recte iudicat primum, in eo positum, vt quis linguam aliquam tantum intelligat: cum difficilior sit gradus alter, vt quis non scriptores solum, et eos, qui viva voce loquuntur, recte intelligere, sed et omnia, quae in communi sermone occurrunt, absque haesitatione possit eloqui: tertius autem difficillimus, et longo demum vsu comparandus, vt quis alio, quam vernaculo sermone de quacumque ferme re exacte, et eleganter, et copiose dicere possit, ac scribere. Iam simili ratione facile quis consequetur, vt intelligat sermonem mathematicorum, si minus illum, quo in penetralia admissis maxime recondita sci-

B 2

entiae

ORATIO AVSPICALIS

entiae suae arcana, allatis aequationibus simplicibus, adfectis, quadraticis, cubicis, quadrato-quadraticis, ellipsis, hyperbolis, parabolis, lineis logarithmicis; quadratricibus, cycloidibus, cissoidibus, helicoidibus, calculis infinitesimalibus, integralibus, differentialibus, maximis et minimis, et quae sunt huiusmodi, subindicant; certe hunc, quo de rebus in anteriori quasi ac magis frequentata aedium parte obuiis, circulis, triangulis, quadratis, parallelogrammis, rhombis, trapeziis, sinibus totis, rectis, versis, tangentibus, secantibus, sphaeris, cubis, cylindris, prismatibus, pyramidibus, et similibus aliis exponunt, Qui quidem sermo figuris, et schematibus non ita translate et ample, uti rhetorum schemata, sed strictum, et breuiter, et proprie rem repraesentantibus magnam partem constat. Ad alterum iam gradum quod attinet, facilius sane, quam in linguis, modo mediocris accedat exercitatio, obtineri ille potest, et numquam non necessarius est iis, qui, quae de rebus mathematicis didicerunt, ad usum vitae transferre cupiunt; in eo quippe positus, ut quis lingua mathematica, et accurata, qua eruditi, et populari, qua artifices utuntur, de rebus ad hoc forum pertinentibus scienter dicere, et perspicua ac nitida schematum pictura imagines animo conceptas aliis ob oculos ponere queat. Tertium vero gradum, difficiliorem sane, ut quis sublimi et exactissima contemplationum subtilitate noua quaedam vera excogitare, eademque solido demonstrationum robore firmare queat, non omnibus attingere datur, sed iis tantum, qui otio, et ingenio abundant.

Porr o

ORATIO AVSPICALIS

Porro quemadmodum cum Erasmo Roterodamo, Philippo Melanchthone, Ludouico Viue, Caselio, Sturmio, Vessio, aliisque litterarum statoribus, grammaticam eius, quae discenda est, linguae regulis, quam fieri potest, paucissimis; vti et cum Edmundo Richerio, Rolando Marefio, Hauemanno, Wagenfeilio, Christophoro Cellario, (e) et multis praeter hos clarissimis viris, vernaculo eam sermone tradendam censebunt omnes, quos tyrannus ille, qui trium litterarum nomine vsurpatur *nos* non ita captiuos tenet, vt hiscere contra non audeant: ita elementa matheleos iis praesertim, qui nondum vsu aliquem habent Latinae linguae, vernaculo sermone erunt explicanda; et palmaria theoremata, atque praxes, quae dicuntur, praecipuae oculis, auribus, animis denique discientium probe inculcandae: nec ad omnes statim minutias descendendum; ne idem vsu veniat matheleos, quod litterarum tironibus in grammatica aliqua Latina, immenso regularum, exceptionum, obseruationum, annotationum numero formidanda tamquam in pistrino quodam haerentibus. Nostra vero lingua res mathematicas commodè tradi posse, ipso facto tot praeclara opera luculenter monstrant. Iam medio saeculo decimo sexto Vitruuium, architecturae scriptorem ex antiquitate principem Germanica versione, et expositione illustratum Basileae emisit Gualtherus Riuius, Medicus Herbipolensis. Sub finem superioris saeculi Norimberga dedit Palladii et Scamozzi, Italorum architecturae magistrorum praecipua in patrium sermonem translata: quo et mechanicas Boeclerus, et horogra-

phi-

phicas Welperus, et omnis generis delicias mathematicas exhibuit Swenterus. Ipsum Archimedem de sphaera et cylindro Germanum nobis fecit Sturmius pater: filiusque Vignola, architectum Italum, Dauleri, Galli, opera interpolatum, non sine accessionibus luculentis nostra lingua nitide apud Batauos excusum dedit: emissoque, et altera parte aucto illustri atque magnifico Goldmanni sui opere effecit, ut peregrinos in hoc genere magistros non magnopere amplius requiramus. Iam quanta foret nubes testium, si praeter huius epitomen matheseos in quinque partes tributam, et *πρακτικώτερον* inprimis pertractantem; patrisque matheseos iuuenilem Germanice etiam redditam; si praeter celeberrimi Wolffii demonstrationum accuratarum, et fusiore algebrae expositione commendanda, nec non clarissimi Hederici ad captum tironum vnice adcommodata scientiarum mathematicarum compendia, nominatim recensere instituerem variorum, has, illas matheseos partes, inprimis numerosa illa arithmeticam, et architecturam militarem Teutonico sermone explicantia volumina.

Praeter haec si quaeritur, vtrum praestet a theorematum, et demonstrationum amaris quasi radicibus, ad suauissimos, qui inde enascuntur operationum fructus in pertractanda mathesi adscendere; an vero ab his descendere ad rimandas illas: iudicari quid factu sit optimum facile potest ex eo, quod in tradendis linguis quam felicissime succedit. Hae enim neque solo usu, neque solius theoriae grammaticae quadam quasi ieiunitate satis recte addiscuntur: sed ita leuiori labore eximii fiunt progressus, si primo statim initio sic iungantur vtraque, ut in legendo et ex-

ORATIO AVSPICALIS

ponendo auctore planiori magistrum praeuntem sequatur discipulus, et quidquid e paradigmatis cognitum habet, in ipsa resolutione, seu flexione vocum suo designanda nomine adhibeat. Ita in mathematicis, si praxis, quae dicitur, et theoria iungantur protinus, obtineri sine dubio poterunt haec omnia: ut iucunda reddatur horum tractatio tironibus, et ardor quidam amoris erga has delicias in animis ipsorum excitetur, sine quo, non Cicerone tantum, sed et experientia teste, cum in omni vita nihil quidquam egregium, tum certe praeclaras has scientias nemo umquam adsequetur. Tum vero uti cupient ingenia erecta, ita condiscant ultra operariorum et artificum vulgus sapere: qui instrumentis etiam mathematicis utuntur, et ad praescriptum matheleos agunt; sed causas et rationes plerumque sciunt iuxta cum ignarissimis. Denique, dum non operum solum executione manus, sed et demonstrationum consideratione mens grata exercebitur varietate, fieri vix poterit, ut hae inutiles, ieiunae, morosae nimis subtilitates videantur: id quod facile contingit iis, qui non nisi meras praxes didicerunt: qui quidem contemplationes deinde haud raro, humilis et abiecti animi desperatione, tamquam spinas perplexas, et labyrinthos inextricabiles reformidant, vel supina quadam negligentia velut res plane superuacaneas secure contemnunt.

Quae vero occini haec solent a nonnullis immodicae demonstrationum obscura difficultate querelae, facile tolli possunt certissimo quodam remedio, eoque e praeclaris ad linguas discendas adminiculis desumpto. Suadent nempe vno ore

ore viri prudentissimi, qui hac de re exposuere, ut studiosi linguarum librum aliquem ex optimis, vel certe libri partem tam attenta, tam curata, tam crebro repetita lectione ita familiarem sibi reddant; ut intelligant omnia planissime, et memoria fere complectantur, neque ad alia prius festinent, quam priora hoc pacto habeant cognita. ita futurum, ut in sequentibus minus haereant. Iam si pari modo praecipua geometriae theoremata, horarumque demonstrationes, quae primum rei quadam nouitate terrent discentes, in alium quasi orbem delatos, a sollerti et impigro magistro quam creberrima, et quam clarissima expositione proponantur: abesse non poterit, quin tardissimis etiam ingeniis, contracta ita consuetudine et familiaritate, in lulum vertantur et iocum, ad quae primum quasi attonita stupuerunt. Enim vero nulla est tanta in quocumque studio difficultas, quae assidua exercitatione superari non queat: praesertim si ab ineunte aetate discendi fiat initium: multum enim est, uti commune verbum habet, a teneris adsuescere. Audiamus hac re egregie differentem *Quintilianum*, illum praeceptorum, quibus curae cordique est, quam optime docere, communem praeceptorem. (f) *Dociliora, inquit ille, sunt ingenia, priusquam obdurerunt: id vel hoc argumento patet, quod intra biennium, quam verba formare potuerunt, quamuis nullo instante, omnia fere loquantur. At nouitiis nostris per quot annos sermo Latinus repugnat. Magis scias, si quem iam robustum instituere litteris coeperis, non sine causa praediximus dici eos, qui in sua quidque arte optime faciunt.*

At

At enim quomodo in mathesi, quae nomen in patria ex eo sortita esse videtur, quod Graecorum pueri ab illa discendi caperent exordium, *μαθηματικὴ* et nostri facili negotio fieri possint, neque non debeant, praeclare ostendit Ioannes Christophorus Sturmius, in consilio de studiis mathematicis in scholas postliminio introducendis, praemisso mathesi suae iuvenili; et deinceps indicatis sigillatim, sub cuiusque partis finem, exercitiis mathematicis cuilibet scholarum classi ab infima ad supremam comuenientibus. Non negat ille, mathesin, ubi longius iam processit, subtilius quoddam altiusque studiorum genus esse, etiam iis, qui diu iam in academiis aetatem triuerunt suam, saepe difficillimum. *Vera tamen, inquit, tantae difficultatis causa id ipsum est, de quo hoc loco conquerimur.* (g) quod nimirum adolescentes a teneris annis exercitiis iudicii et meditationibus eiusmodi, quales mathesis suggerit, aestimatis parum aut nihil adsuefacti fuerint: cum e contra, quod expertus testari possum, nihilo plus negotii facebant puero prima matheseos principia, quam elementorum alphabeticorum distincta notitia; aut numerorum minutiorum collectio vel subtractio, quam plurium litterarum in unam syllabam siue vocem comprehensio, et comprehensarum enunciatio, aut earundem siue singularum siue coniunctarum scriptio: dummodo fidelis ac prudens ibi acque ac hic adsuefactio et manu ductio accesserit. Conficitur itaque et celebrari huius mathematici iudicio, difficultatem matheseos in primis elementis esse nullam: neque in progressu facile haesurum, qui illi ab ineunte aetate non nihil operae dederit, atque

ORATIO AVSPICALIS

ita ratione vti mature didicerit: cruces igitur interdum figi non nisi eis, qui, more in scholis communi, sed sane deplorando, neglecta intelligendi, et iudicandi facultate, memoriam tantum multis penes ipsos sine mente sonis implere fuerint coacti: posse tamen indefessa attentione, atque exercitatione cruces illas tolli.

Sed progrediamur in nostra illa mathematicum cum linguis comparatione; et arithmetica, atque geometriam, id quod res ipsa liquido ostendit, similes esse dicamus linguae alicui principi: reliquas autem, quae mixtae dicuntur matheseos partes, linguis e mixtis inter se vna atque altera principe conflatis: quemadmodum ex Latino et Teutonico sermone, Italicorum, Gallorum, Hispanorum, Britannorum sermo totus fere constat. Vti igitur recentiores hae dialecti potius quam linguae facile non minus quam solide addiscuntur ab eo, qui parentes illarum exacte nouit: vti et ipse sermo Latinus ab eo demum plane intelligitur, qui Graece callet; *(b)* feliciusque omnino et insigni laboris atque temporis compendio perciperetur; si Graeca, vnde magnam partem ille originem, vnde cultum trahit fere omnem, quaeque ad vernaculae nostrae indolem in multis accedunt propius, in institutione pueri studiis dicati praemitterentur: quo ipso et horum ex ignorance profectus, tristemque iterum barbariem orbi litterato hac tempestate minitans contemptus exstingui, neque non suis ipsis honor auspicato reddi posse videtur. Prout in linguis etiam orientis Chaldaica, et Syriaca quasi ludendo adsciscuntur ab eo, qui Hebraeam probe est edoctus: neque huic Samaritana, Arabi-

ORATIO AAVSPICALIS

rablica, Aethiopica fuerint reformidanda. Ita manifestum est, illi, qui cum arithmetica et geometria ardenti atque tenaci studio familiaritatem consuetudinemque contraxit, non posse non facilem se praebere reliquam familiam mathematicam, hisce matribus progeneratam: quae contemplationibus suis relictæ, atque ab omni re corporea sese abstrahentes virginitatem tumentur suam; ad materiae vero quasi connubium deductæ numerosam edunt sobolem. de matre igitur probe sibi concilianda sollicitum esse oportere, qui filia cupiat potiri. Atque hoc reapse testantur qui vnâ alteramue matheseos partem data opera pertractaturi, arithmeticae et geometriae praecipua solent praemittere: id quod inprimis in architecturae militaris institutionibus bene multis videre est.

Ista vero linguarum scientiam comparandi ratio, quae quasi filiam familias a parentibus diuturno vsu cognitis bene dotatam potius accipere, quam hisce infalutatis nudam et inopem rapere; quae ab fontium limpida vbertate ad riuos in ortu puriores certa potius via procedere, quam circa horum multiplices atque exiles saepe exitus errare iubet, non in ad discendis solum linguis ex vna atque altera quasi parente progeneritis, sed et in vna eademque lingua rectius pernoscenda hoc pacto adhiberi posse videtur: vt innumerabilium regularum, tamquam riuulorum loco tironibus ante oculos ponatur naturalis illa, et communis omnium linguarum adfectio, quae cum contrahuntur voces, et elisus, aut in vnâ coalescentibus vocalibus paullum immutantur, accelerandae, aut emolliendae

ORATIO AVSPICALIS

dae pronuntiationis ergo; tum vero animi, verborum moderatoris, morae quasi impatienti celeritate, certae, facilique cogitatione supplendae particulae in ipsa sermonis constructione omittuntur; ex quarum tacito regimine nunc hi, nunc illi nominum casus pendent. qua quidem de re, ad Latinam quod attinet linguam, post Sanctii Mineruam, Scioppius in grammatica philosophica, Vossius in maiori opere grammatico, et alii luculenter exponunt. Sic et in mathematicis quam optime consulatur discentibus, si regularum ex veris fontibus deriuatio, et compendiorum per naturam breuitatis amantem nemini non prae viis prolixioribus arridens, atque adeo frequentior vsus ita ostendantur, vt in tradendis primis statim arithmetices elementis declaretur, non solum multiplicationem additionis, diuisionem subtractionis artificiosa breuitate inuolutae quamdam speciem; sed et communem illam rationem numerorum notas scribendi, addendi, subtrahendi inuicem nil nisi mera compendia esse. Immo monstrari potest, omnes ferme arithmeticae regulas, in primis illas, quae de fractionum numerorum minutiis praecipiant, et ipsam illam auream, quae datis tribus numeris quartum proportionalem adinuenire docet, suo vel iam constare, vel vario citius iucundiusque, ac vulgari fit ratione, expediri posse compendio. (i) quale in progressionem cum arithmetica tum geometrica, et ex hisce iunctis resultante admirabili logarithmorum artificio vsus habet manifestum, delectationemque plane singularem.

Cohaeret cum hisce, quae dixi, res, quam in linguis per-

ORATIO AVSPICALIS

perdiscendis magni esse momenti nemo facile inficiabitur; quaeque in eo est posita, ut, quantum fieri potest, optima statim legenda et imitanda proponantur: ut tirones post mediocrem demum intelligendi et interpretandi facultatem, ad Ciceronis, et aequalium scriptorum copiosam elegantiam sermonem Latinum componere adstueant: non autem, ubi vix decem vocabula Latina norint, ad regulas grammaticas, et nomenclatoris cuiusdam indicium crasso filo, et aride, et ieiune, et misere multa ante contexant, quam manu ad meliora ducantur; ingenti laborum et temporis dispendio. Enimuero patet, in mathematicis disciplinis incredibili discentium commodo idem usurpari posse; ut monstratis quidem, sed non diu tritis ambagibus, ad viarum compendia accedatur, neque rebus leuibus, aut superuacaneis detineantur tirones, sed praeter praxes, quae dicuntur, praecipuas per omnem matheos ambitum, magnopere in iis exerceantur, quae sunt palmaria diuinae artis fundamenta. Atque hoc quidem pacto curate inprimis erit cognoscenda linearum parallelarum natura et indoles, quae praecipuas demonstrationes, et ipsam triangulorum similitudinem, atque adeo proportionem pariunt. Ita et vis mirifica proportionis, quae anima est matheos, mature videtur exponenda, atque tam saepe, tam diligenter, tam dilucide auribus animisque tironum ingerenda, ut familiariter ipsis nota atque perspecta reddatur; quo proportionem in numeris leui circumspectione consuescant indagare: qua in re praxis, quae dicitur Italica, fere consistit tota: quo et triangulorum similium indo-

ORATIO AVSPICALIS

indolem probe capiant , ex quorum proportione omnis geodæsiæ, omnis trigonometriæ, cum planæ, tum sphaericæ vsus atque fructus ineffabilis enascitur. Sane quod variandi innumeris pene modis , remque eamdem nunc inexhausto dicendi flumine in campum quasi late patentem diffundendi, nunc stricto sermone in arctum contrahendi artificium oratori, idem proportio mathematico præstat : quippe qui eamdem aequalitatem rationum inter duas pluresue quantitates , proportionem dico, verius faciliusque , quam propositionem suam orator , infinitis modis exprimere potest , numeris lineisque suis ad arbitrium ita in infinitum crescentibus pariter, aut decrecentibus , vt ne minima quidem pars eorum describi sigillatim , inque conspectum adduci queat , quæ sibi in hisce repræsentat mentis cogitatio infinita. At vero infinitus sim , si ad terre velim singula, quæ de proportionis foecundissima indole, et vi stupenda dici possint : siquidem proportionem omnia, quæ in hoc vniuerso oculis atque intellectu percipiuntur, mensuram agnoscunt : (k) neque adeo abesse potest, quin late regina illa sit per amplissimas mathematicorum prouincias , in quibus tamquam in patria numerandi ac mensurandi artes sedem habent fixam , et magno aluntur opere, perpetuisque hodie incrementis laetius efflorescunt : quæ sane proportioni magnam partem debentur. Nam ipsi laudatarum scientiarum parenti, atque magistrae , ipsi diuinæ arti artes mathematicas inueniendi, quam algebram, vt et analysin speciosam vocant , frequentissime problematum constructionem, alias omnes

ORATIO AVSPICALIS

omnes elufuram conatus, eorum, quae in aequationem veniunt, quoad eius fieri potuit, evoluta, inque proportionem trajecta aequalitas subministrat.

Ad haec si fiat sententia, in litteris ac disciplinis omnibus id esse agendum, ut qui seriam illis operam navant, principia atque fundamenta, simul ac capere possint, familiariter per noscant: quidni in mathesi, habita tamen ingeniorum ratione, mature attingenda videantur ipsius algebrae, tot veritatum indagatricis, tot pulcherrimorum theorematum, regularum, artificiorum inuentricis, tot aenigmorum interpretis elementa: quae, iudice Tschirnhausio, (1) harum rerum peritissimo, ob principiorum paucitatem, et earundem operationum crebram repetitionem perceptu non difficilia, immo ipsis arithmeticae vulgaris operationibus sunt faciliora. Sane haud aliter negotium suum conficit illa inveniendi artifex, ac si quis rem cum inuolucris, sub quibus illam latere nouit, apprehendat, et varie eadem versando, excutiendo, hinc inde aliquid remouendo scite euoluat, et nudam oculis tandem manibusque vsurpandam nanciscatur. (m) Quanto autem opere, uti veritatis inuentae accipienda per algebrae demonstratione, ita et quaerendae inuestigatione figantur, ut ita dicam, volatici illi iuuenum spiritus: quanta cum cura ad circumstantias singulas attendere, atque omnia ordine collocata discant euoluere: quanta cum voluptate paucis luculentissime cernant expedita, quae veterum more non nisi per multas, et obscuras saepe ambages confici possunt: quanto cum fructu iis, quibus ad altiora illa ad-

scen-

ORATIO AVSPICALIS

scendere et animus, et facultas est, aditus patefiat ad contemplanda ea, quae post Vietae, et Cartesii immortales in hoc genere labores, Bartholini, Schotenii, Wittii, Huddenii, Bullialdi, Graafii, Gregorii, Barrowii, Newentitii, Cauallerii, Bakeri, Wrennii, Willisii, Newtonii, Hospitalii, Tschirnhausii, Bernoullii, Leibnitii denique moliantur; id vero explicari iam satis non potest.

Sed ne algebrae studium commendans ad cacumen statim cum tironibus praemature ausu euolare, neque per gradus ascendere velle videar; repeto: elementa saltem eius iucunda sane et facilia, eaque non nisi pro captu atque instituto discipulorum, mature tradenda, magnorum auctoritate virorum, et ratione non vna adductum me existimare. Ceterum cum pauciores in adyta ista se penetrent, ubi princeps illa algebrae finibus regni mathematici non Marte, sed arte prorogandis sublimes agitat curas; satius primum fuerit, qui accedunt, hospites, eminus saltem ostensis eius recessibus, in atrio derinere, et ante ea, quae oculorum communi acie, quam abstrusiora, quae singulari mentis perspicacia veniunt diiudicanda, ipsis proponere. Quae quidem ratio oculis vel res ipsas, vel rerum effigies subiiciendi, atque ita ignaros edocendi cum iucunditatem, et illecebram, tum perspicuitatem habet singularem; estque ad recte percipiendas mathematicorum doctrinas omnino necessaria. In linguis quidem tradendis, ubi ignotior ad notiores referri potest, non videtur opus, re aut actione ipsa ob oculos ponere id quod verba significant: quae
metho-

ORATIO AVSPICALIS

methodo Clenardus Aethiopum aliquando pueros Latinam linguam docuit, ita vt in seruulos iussu magistri aut saltantes, aut currentes, aut repentes intuendo cognoscerent, quid esset saltare, currere repere; et quaecunque oculis arbitrari poterant, hoc pacto Latine appellare discerent. vti ipse epistola quadam comoedias hasce suas scholasticas festiue describit; e qua complura Morhofius adducit in Polyhistore. (n) Rerum tamen in sensus incurrentium dilucidas adhiberi picturas, eo consilio, quo orbem pueris pictum dedit Comenius: historiam quoque, cum aperte scriptam, tum illam vetustiore poeticae mythologiae inuolucris tectam, et antiquitatum variarum memorabilia; verbo, quidquid memoriae potius, et imaginationi, quam iudicio committitur, concinnis repraesentari imaginibus, vsum in tenera aetate habebit eximium. Neque vero ratione destituuntur incomparabilis Morhofii vota, (o) quibus ille res ipsas, quantum fieri posset, discipulis ostendi; *scholamque* id propter quamdam *naturae, artis, et actionum humanarum* in studiosae iuuentutis vsum institui peroptat. Scholam autem naturae dicit systema aliquod corporum naturalium bene ordinatum; vbi per viuam corporum demonstrationem et vocabula memoriae melius inhaerent, et ideae de rebus intellectui sisterentur. Nullam enim efficaciorē esse artem mnemonicam recte iudicat, quam cum in rem praesentem veniunt discipuli. Scholam deinde artis vocat omnia opificum et artificum instrumenta, certis quibusdam receptaculis asseruanda, et pueris explicanda; vbi tamen consultius fere cen-

D

set

ORATIO AVSPICALIS

fet, ipsos adire artifices: cum instrumentorum natura ex usu ipso rectius discatur. Ad actionum denique humanarum scholam, dramatum, atque exercitationis theatrae usum refert. Iam naturae quidem, et artium, quae mathematicae audiunt, theatrum quodammodo exhibent in academiis *collegia*, quae dicuntur, *curiosa*: habetque hoc mathesis prae ceteris disciplinis, ut fere omnia sua non intellectui solum, sed et oculis, multa etiam manibus usurpanda praebeat, quae scita ipsius explanent, inque animum blande insinuent: ut necessario instructa apparatu amplissimum artium suarum pandat theatrum. Praeter enim figuras, eius, quae, iudice Cartesio, (*p*) saepe tam perspicuae sunt, ut sola earum contemplatio ad rei cognitionem sufficere possit, iucundissimum referunt spectaculum, elegantes dimensionum agrorum, sylvarum, regionum, munitionum, machinarum, aedificiorum ichnographiae ac delineationes; tum instrumenta geometrica, optica, astronomica, horographica: circini, gnomones, circuli, semicirculi in gradus diuisi, mensulae Praetorianae, dioptrae, libellae, acus magneticae; corpora, quae dicuntur regularia, virgulae pithometricae: microscopia, telescopia, perspicilla, vitra caustica, camerae obscurae, lucernae opticae, specula aut multiplicationem, aut anamorphoses imaginum exhibentia, plana, conuexa, concaua, conica, cylindrica, pyramidalia, polyedra: globi, sphaerae armillares, tubi, et quadrantes maiores, omnis generis horologia sciaterica, et quae sunt huiusmodi multitudine ac varietate fere infinita. Hisce tamen, suppeditante maece-
natum

ORATIO AVSPICALIS

natum fauore, atque aerario quodam ampliori. quae priuatorum facultates minus possunt, viri *πρακτικῶν* addi discipiunt, ad architecturae civilis, militaris, et mechanices praecepta luculentissime declaranda, non solum effigies operum delineatas; sed et simulacra plurima e materia congruente eleganter efficta atque composita; quippe obscuritatem, quae in delineatione manet, sublatura omnem, et rem ipsam mirifice illustratura. (q) Atque hanc rerum, instrumentorum, imaginum, simulacrorum copiam, suo etiam modo in linguarum, aliarumque scientiarum studio perutilem, inter praecipua refero momenta, quae ad matheseos partes in praxi atque vsu singulariter positas quam facillime felicissimeque addiscendas mirum quantum conducunt.

E compluribus, quae pro instituti ratione adduci, fusi-
usque exponi possent, sequentia saltem paucissimis adhuc de-
libo: quod mathesin, puram illam inprimis atque theoreticam
probe, et ad intelligendum ac retinendum perquam adcom-
modate edoceat, qui in vniuersa aequae disciplina, ac sigilla-
tim in quacunque proponenda demonstratione ordinem cura-
te obseruat, huiusque membra omnia decenter connexa prae-
fixis notis numerorum distinguit: vti certiolem pleniorique
linguarum peritiam conciliat adcuratio quasi morosa, quae
numquam in interpretatione quadam tumultuaria adquiescit;
sed significationem propriam, et ordinem vocum naturalem in
compositione ex vsu linguae eleganter saepe immutatum in-
quirere, omniaque ad classes suas referre satagit.

D 2

Addo

ORATIO AVSPICALIS

Addo, solidiorem mathematicum sibi parare scientiam, qui notat discernitque sedulo, quid intersit inter veritatem vsu communi, et sensuum iudicio; tamquam populari quadam trutina aestimatam, et satis huic facientem; eandemque rationis acriori perspicacia, et geometrica subtilitate, quasi exactissima aurificis statera examinatam: quemadmodum in linguis eruditi est nosse, quae vulgo quidem adhibeantur, doctioribus autem sint probata minus, quae seueram artis criticae censuram aut deprecari debeant, aut possint prouocare.

Denique praeter rem per se manifestissimam, quod, vti sermonis, cuius in scribendo et loquendo vsus est permagnus, parari non potest expromta facultas absque diligentissima stili exercitatione, alacrique et curata dicendi consuetudine: ita neque in mathematicis probabilis quaedam peritia audiendo saltem contingat, aut legendo, aut in magistrum certis ductibus eruditas circumferentem manus intuendo; sed necesse sit, ipse manum operi admoueat, ipse et in numerorum varia computatione, et interuallorum, arearumque in campis dimensione, et aliis mathematici officii multum te exerceas: praeter hanc, inquam, rem omnino indubitatam vltimo iam loco adducere lubet eximium cum in omni re erudita, tum praecipue in mathematica doctrinae parandae compendium, in eo positum, vt quis mature alios iterum edoceat, quae ipse est edoctus: quod quidem, si complures aetate et ingenio dispares in hac instituendi sunt, ipsa exigere videtur necessitas. Turbat enim, vbi propius spectandae *εγγυησις*, circumfusa mul-

ORATIO AVSPICALIS

multitudo, et docenti aequae ac sibi ipsi impedimento est. Hoc vero incommodum euitabitur insigni omnium, cumprimis prouectorum commodo; si id negotium hisce fuerit datum, ut quae seorsim dilucide exposita, atque opere ipso demonstrata acceperunt, aliis rursus, praesente ut plurimum magistro, studiose declarent, et ad iucundissima in hoc genere artificia manu minores ducant.

Igitur, ut ad finem properans oratio paucis pleraque omnia complectatur: si facilia sunt per vniuersas matheseos disciplinas, quae cognita omnino necessaria, quaeque usum prae ceteris habent singularem: si difficultates omnes obseruato bono ordine, adhibita decenti attentione, atque exercitatione in principiis, summisque capitibus indefessa possunt tolli: si arithmetica et geometriam probe callenti reliquae partes lusus sunt: arithmetica autem ipsa ferme geometria difficilior, quippe ex qua lumen accipit et demonstrationes, ab illiteratis etiam feliciter addisci, et mira saepe promptitudine exerceri potest: si ipsius algebrae elementa, cuius subtile artificium non nisi ab ingeniis peracutis comprehendere posse alias censetur, vulgaris arithmeticae initiis non sunt obscuriora: addo, si Graecorum pueri una cum litterarum rudimentis geometriae et arithmeticae primordia acceperunt, puerilis ingenii captum utique non excedentia; neque *ἀγενήτων* ad philosophicas disciplinas olim sunt admissi: si multi litterarum rudes vel suo Marte in ipsa fere matheseos perrexerunt penetralia; uti Vogtius, Kræbbius, Nicelaus Schmidius, eruditus ille

ORATIO AVSPICALIS

ille rusticus, qui et fastos confecit, vt et hodie ille fastorum per SERENISSIMI ELECTORIS nostri prouincias vſitatorum concinnator, alique, quos fama obſcura recondit: ecquis iuuenum in litteris viuentium tam puſilli eſſet, tamque abiecti animi, qui res mathematicas captum ſuum longe ſuperare ſibi perſuadeat, atque adeo infra Graecorum pueros, et tot illitteratos homines pudendum in modum ſeſe abiiciat?

Fuere quidem olim ſaecula plumbea, tempora barbara, inficeta, triſtia, tenebroſa, quibus tam formidoloſum erat mathematici nomen, vt, qui diuinæ matheseos ope res vulgo ſtupendas præſtaret, diabolicæ magiæ ſuſpectus haberetur. Iam vero illuxit ſingulari DEI munere ſaeculum elegantius, laetius, beatius, quo cum bonis litteris mathesis, ac melior quaedam philoſophia magis magisque indies exſplendescunt, et incrementa capiunt admiranda: quo tot eruditæ ſocietates per præcipua cultioris Europæ regna illuſtrandis atque ampliſcandis rebus mathematicis certatim dant operam, et egregia inuenta quam plurima cum orbe litterato ſatis liberaliter communicant: quo tot luculenti paſſim prodeunt libri matheseos ſcita facill et concinna ratione exponentes: quo in philoſophia, præſertim naturali, quæ tere tota hodie eſt mathematica, nullum magnum reperias nomen, quod non matheseos etiam laude floreat: quo terrarum domini, magni reges ac principes anguſta liberalitate ſouent ingenia Archimedeæ, et artes hæſce præclaras: quo multi illuſtres, inque aularum ſplendore verſantes viri eaſdem et callent ipſi, et mirifice commendant: quo

ORATIO AVSPICALIS

quo eadem in scholas hinc inde sese insinuant, et in academiis, agminatim ad collegia mathematica confluentibus studiosis, magno ardore excoluntur. Quem itaque paullo erectioris indolis hominem haec non excitent atque inflamment, ut operam, curam, industriam singularem impendat hisce disciplinis, quibus nihil ad delectationem iucundius, nihil ad existimationem honestius, nihil ad emolumentum optabilius, ad rem publicam administrandam utilius, denique ad vitae beatitudinem, in veritatis cognitione, animique positam tranquillitate, salubrius potest excogitari.

Ad iuventutem iam nostram elegantioribus hinc studiis operam navantem quod attinet, Auditores, habet illa non solum communia, quae dixi, ad arripiendam matheseos incitamenta; sed et peculiariora habet ex benignitate incomparabili illustris nostri Maecenatis IUSTI CHRISTOPHORI REICHE, Administratoris Coenobii huius summe venerabilis: quippe qui praeter innumera alia beneficia, et globo Weigeliano, splendido sane ac pretioso, collegium nostrum donavit, et operibus Taqueti mathematicis, quae habet bibliotheca nostra publica, nouissime, demisse a me rogatus, Goldmanni Sturmiani architectonica, et Zahnii optica, et Schotti vniuersam matheseos pertractantia opera benignissime addidit, de instrumentis etiam necessariis largiter nobis prospiciet; interprete huius proluxae voluntatis, et proxeneta venerabili Praefule BOEHMERO, qui multa egregia opera bibliothecae nostrae impetrauit, multa expectare nos iussit: iamque constitutus Com-
mis;

ORATIO AVSPICALIS

missarius Electoralis, suscepto huc itinere per tempestatis et viarum conditionem sequiorem minus amoeno, luculenter ostendit, quam rerum nostrarum satagat, quam de commodis atque ornamentis nostris cogitet sollicitè. Quae quidem vtriusque Musarum Patroni exoptatissima, nec satis vnquam praedicanda erga nos beneuolentia et publice iam commemoratur, et dilaudabitur saepius, cum debita grati animi testificatione; nosque felices beneficiarios exstimulabit, vt reipsa gratos nos praestare, et concessis muneribus excitato atque alacri animo recte vti adlaboremus.

Quod reliquum nunc est, ad te, benignissime DEVS, meae se conuertit oratio: tibi gratias debemus, tibi toto quoque pe-
ctore gratias persoluimus, quod patriae, et optimi PATRIAE
PATRIS SERENISSIMI ELECTORIS BRUNSVICENSIS AC LVNE-
BURGENSIS, ILLUSTRISSIMORVM etiam COMITVM STOLBERGEN-
SIVM, et ILLUSTRIS NOSTRI ADMINISTRATORIS salute atque in-
columitate laeti, atque ab armorum et pestiferæ luis grassan-
te alibi tumultu immunes, ad excolendas tranquillae pacis ar-
tes animum queamus applicare. Tuum hoc esse beneficium,
o aeternum Numen, in probos etiam vsus a nobis conuer-
tendum, facile agnoscimus: et piis te precibus suppliciter ve-
neramur, serues CLEMENTISSIMVM PATRIAE PATREM, SERE-
NISSIMVM ELECTOREM nostrum, vitamque in subiecti populi
gaudium atque commoda ad vltimam vsque senectutem quam
laetissimam, atque omnibus bono Principi exoptandis rebus
beatam protrahere; vniuersam etiam DOMVM BRUNSVIGO-
LY.

ORATIO AVSPICALIS

LVNEBURGICAM tot excelsis nostra memoria cumulatam orna-
 mentis magis magisque exsplendescere iubeas, Serues etiam,
 et larga prosperrimarum rerum copia bees ILLUSTRISSIMORVM
 COMITVM STOLBERGENSIVM, qui phrontisterium nostrum e
 propinquo clementer respiciunt, EMINENTISSIMAM DOMVM.
 Adsis, quaesumus, Ministris AVLAE ELECTORALIS gravissi-
 mis; faxisque provida ipsorum cura pax et iustitia in terris
 nostris sese exosculentur: religio quoque purior ad sororium
 accedat osculum, prospiciente venerabili Senatu ecclesiastico; cu-
 ius membra illustria cum capite, REVERENDISSIMO ABBATE, ve-
 geta nobis serues atque florentia quam diutissime. Faxis etiam,
 benignissime DEVS, illustris Maecenas noster, REICHIVS vale-
 tudine prospera, faustis rerum euentibus, multis laetandi ar-
 gumentis, diurnus vitam agat suauiter cum familia splen-
 didissima, et florem videat, atque incrementa scholae nostrae:
 cuius inter tot ardua, quae sustinet, negotia curam gerit vere
 paternam: largiaris quoque exoptabilia quaeuis omnibus coeui
 nostro bene et cupientibus et prospicientibus; atque inter hos
 venerabili BOEHMERO, de Musis Ilfeldensibus immortaliter meri-
 to. Saluos denique praestes Collegas honoratissimos coniunctissi-
 mosque, et suauissimos scholae nostrae alumnos; faxisque fe-
 liciter cedant labores nostri, atque eo faciant, vt cum e sa-
 cris pandectis, tum naturae omnia nutu tuo geometrica adcu-
 ratione machinantis operibus in sapientiae, omnipotentiae, ac
 benignitatis tuae admirationem, et proinde in tui amorem fin-
 cerum, fontem virtutum omnium magis magisque rapiantur

E

ani-

ORATIO AVSPICALIS

animi : vt Ifelda noſtra probitatis , et elegantiorum litterarum laude, et cultiſſimorum ingeniorum vberè prouentu, in parentum liberos cariſſimos noſtræ credentium institutioni, et vniuerſæ patriæ gaudia atque emolumenta publica in dies magis magisque effloſceſcat.

IAM vos, egregii Iuuenes, dilecta parentum
 Pignora, ſpes ingens patriæ, ſlos puberis æui,
 Iam vos ille animi, quo nunc agitante caleſco,
 Carmine compellare iubet tam plenus amoris,
 Laetitiæque piæ motus: nunc illa ligatum
 Poſcere ſermonem mihi ſuauiâ vincla videntur,
 Queis obſtriſtus ego totum me mancipio vobis;
 Quæque meo veſtras pendere docentis ab ore
 Aures atque animos adigent. Nos mutuus inter
 Nunc coaleſcet amor: comites nunc ibimus vna,
 Ibimus aſſidui comites per florida tempe,
 Atque per Aonios colles, et ſacra Sionis
 Culmina, et inſtar apum ſuauiſſima mella legemus
 Innumeris paſſim de floribus, atque ſalubres
 Mentibus ægrotis ſuccos auido ore bibemus.
 Iam veſtrum fuerit regem ſtellantis olympi,
 Qui bona diſpenſat mortalibus omnia ſolus,
 Suppliciter mecum ſincera in vota vocare,
 Vt nos ipſe iuuet, noſtrisque laboribus adſit:

Com.

ORATIO AVSPICALIS

Compleat ut mentes sapientia sanctior almo
 Lumine, et incendat solidae virtutis amore.
 Nam diuina quibus non fulget gratia coeptis,
 Exorata piis precibus, feliciter illa
 Cedere non possunt: pietasque, precesque beabunt
 Quidquid agas: pietas vobis ante omnia cordi
 Heic sit: nam dudum sacer est locus hicce; profanum
 Exulet omnino hinc vulgus, longeque faceßat!

Tum sua quemque, velim, trahat haud ignaua voluptas,
 Doctrinae ut fontes mecum melioris anhelet.
 Nam non per salebras, perque horrida et aspera saxa,
 Sed plana, faciliq; via per amoena locorum
 Vos, o dilecti, ducam. Ne credite talem
 Me fore, qui turbam, quae per compendia iusta
 Ad liquidos facile debebat currere fontes,
 Anfractus iubeat coecos misere eluctari,
 Et refides, foedasque luto sorbere paludes.
 Sed qui Musarum sacros conscendere colles
 Ardenti studio cupide nitentibus adsit,
 Porrectaque manu cunctos, et fronte serena
 Subleuet, et prono Musas in vertice monstret
 Dulce arridentes, et praemia digna laborum
 Iactantes: generosa etenim sibi pectora Musae
 Deposcut, quae castus amor, quae splendor honesti
 Alliciat, stimuletque sciendi nobilis ardor,

Et quis non aueat facili ratione potiri
 Deliciis illis, quae miscent vtile dulci?

. E 2

Qualia

ORATIO AVSPICALIS.

Qualia iam nobis animo versare licebit,
Et manibus. Numeros nimirum, et metra, pedesque,
Queis res innumeras metiamur, dia mathesis;
Et dimensa quibus nectamus verba, poesis
Dia dabit: quae non solum bona verba metiri,
Verum et mentiri certa ratione docebit;
Vel plus quam verum potius quae dicere gaudet,
Ornarique cupit, cum sit contenta doceri
Altera, et exquirat nudum velamine verum.
Sic maris, et terrae, numeroque carentis arenae,
Immensique erimus menses aetheris: ipsas
Sic dabitur nobis rerum cognoscere causas,
Quas stupet ignara mersum caligine vulgus.
Sic rerum Dominum, qui condidit omnia pulchre,
Mensuraque iubet, numeroque, et pondere stare,
Nosse geometren dabitur; multasque salubres,
Queis mage vita hominum vitalis redditur, artes.

Sed quid multa? equidem generosae pectora cerno
Indolis, exstimulata etiam virtute parentum;
Quae iam doctrinae studium, et fulgentis honesti,
Quae mihi perpetuum spondere videntur amorem,
Haec praeclara quasi ludendo plurima discent:
Haec in deliciis mihi erunt: dulcedine mira
Haec certe nostros poterunt lenire labores.
Denique, dico iterum, quod sit laeto omine dictum:
Totus vester ero, nostri pars cara lycei,
Totus vester ero, IUVENES: en dextra, fidesque!

AN.

ANNOTATA.

[a] *Vt in omni institutione diligenter attendatur, quid naturae sit consentaneum, quid sensus communis ferat, quid abhorreat.*

Quae de architectura, cui institutio et cultura ingeniorum comparatur, ex inspectis dei naturaeque operibus regulas et praescriptiones suas capiente in sermonis exordio sunt allata, auctorum in hoc genere principum locis obuiis probare supersedeo, hoc saltem addens: τὸ θεῖον, quod cum in hac, tum in omnibus praeclaris artibus reperitur, nihil fere aliud esse, quam ipsa artis fundamenta, e consideratione diuinorum in rerum natura operum enata, certisque regulis ac praeceptis originem praebentia. Atque in hanc sententiam τὸ θεῖον in architectura latens exponit artis huius peritissimus *Leonb. Christ. Sturm* in *Mathesi sua compendiarie Germanice scripta, Pars II pag. 204.* edit. sec. Vbi et *Morhofium* laudat, qui argumentum hoc praeclarum de eo, quod in disciplinis diuinum est, egregie persequitur pro grammate, quod inter edita numero est LXI; Polyhistori quoque litterario insertum, et libri I caput XII constituens: e cuius initio haec pauca delibasse sufficiat: *Vt vulpes in fabulis, scientias tractamus. Illa pulchrum vitro inclusam cum ligurire non posset, superficiem solum lambit. Pellucet illud, quod in scientiis diuinum est: sed quoniam in superficie haeremus; quoniam inanis illo ac vitreo opinionum splendore nos oblectamus, nunquam pedes saturamus, nunquam ad fundum rerum penetrare possumus. Nimis immergi sumus nobis ipsis, et turbae opinionum variarum. Quod si animum paululum in se reuocauerimus, Deoque permitteremus, et simplicissimae naturae inhaeretur progressus, expeditior esset ad veritatem via, et diuinae menti nostrae arctius iningeremus.*

Iam si τὸ θεῖον in artibus nihil aliud est, quam ipsum illarum e cognitionibus comprehensionibusque rerum naturalium erutum quasi et systemati integro substratum fundamentum; diuini suo quodam merito habitum sunt artium inuentores; et diuina recte censetur scientias scientias artesque

tesque inueniendi, de qua Cicero lib. 1, de Oratore §. 186. *Nihil est, quod ad artem redigi possit, nisi ille prius, qui illa tenet, quorum artem instituerit vult, habeat illam scientiam, ut ex iis rebus, quorum ars nondum sit, artem efficere possit.* Ceterum legi hanc in rem meretur in philosophia eclectica Io. Coriſſ. Sturmii exercitatio de artis et naturae sororia cognatione: nec non Ge. Paschius in de inuentis nou- antiquis cap. VIII §. XLIII, XLIV. vbi de stupendis artis naturam aemulantis operibus, statuis nempe loquentibus, seque mouentibus cum nouis tum antiquis agit: de quibus et erudite disputat, atque τὸ Θεόν, quod in artem humanam, ex arte Dei, natura nimirum ipsa deriuatur, huius perfectionem attingere non posse ostendit celeberrimus D. Gakenholtz MED. D. et P. P. eleganti programme de non imitanda per artem humana machina, Helmstadii anno cto 1700. Atque in mechanicis quidem naturae licet sollertiam in omnibus assequi nequeat ars; in scientiis tamen eruditio istam perficit, sparsa eius semina colligens, et quasi ad maturitatem quandam perducens. Praeclare hac de re Cicero lib. 1 de orat. §. 187 seq. *Omnia fere, inquit, quae sunt conclusa nunc artibus, dispersa et dissipata quondam fuerunt: ut in musicis, numeri, voces, et modi; in geometria lineamenta, formae, intervalla, magnitudines; in astrologia caeli conuersio, ortus, obitus, motusque siderum; in grammaticis poetarum pertractatio, historiarum cognitio, verborum interpretatio, pronunciandi quidam sonus: in hac denique ipsa ratione dicendi, excogitare, ornare, disponere, meminisse, agere, ignota quondam omnibus et diffusa late videbantur. Adhibita est igitur ars quaedam extrinsecus ex alio genere quodam, quod sibi totum philosophi assumunt, quae rem dissolutam, diuisamque conglutinaret, et ratione quadam constringeret.* Idem in Oratore, §. 183. vbi de numero oratorio duce et magistra natura se offerente agit, his confirmat verbis: *Neque enim ipse versus ratione est cognitus; sed natura atque sensu, quem dimensa ratio docuit, quid acciderit, ita notatio naturae et animaduersio peperit artem.*

Hinc

ANNOTATA

Hinc porro patet, solide condisci artes, ubi, quantum fieri potest, ad originem adscenditur, resque ab ovo, quod aiunt, arcessitur. Itagrammaticam culuscunque linguae qui paullo maturiori sunt iudicio comprehendunt non coeco et difficili cum labore; sed evidenti et iucunda cum facilitate, ubi ad sermonis humani indolem, et analogiam quandam linguarum, formatio atque constructio nominum, verborumque studiose fuerit reuocata. Quam in rem *Hermannus von der Hardt* *Lingg. Or. in illustr. Iulia Prof. celeberrimi Grammaticae exegeticae, linguae item Hebraeae fundamenta, et studiosus Graecus*, faciem praeferunt luculentam. Cauendum tamen, ne nimiae subtilitatis studio imaginaria quaedam pro solidis obtrudantur: uti factum a *Franc. Mers. Helmontio*, qui in libello, quem *alphabeti vero naturalis Hebraei delineationem inscripsit*, demonstrare annisus est, Hebraeam linguam adeo esse naturalem, ut characteres eius hominibus velut conati sint: et haec somnia sua, [verba sunt Morhofii in *Polyhist. Litt. lib. iv. cap. xii. §. i.*] ut evidentius ob oculos poneret, delineationem quasi anatomicam exhibet figurarum, quas organa loquelaе destinata faciunt, cum sonus alicuius litterae effertur; eamque figuram cum characteribus Hebraicis conuenire vult. Nimia etiam subtilitate laborare videntur *D. Casp. Neumannii, Praef. Vratismiensis* hypothesen nouae, propositae in *Genesi et Exodo linguae sanctae*: quippe qui non solum radices linguae Hebraeae facit biliteras; sed et singulis litteris suum assignat valorem hieroglyphicum: quae commenta erudite pariter ac modeste in dubium reuocantur a *Cl. M. Chryst. Bened. Michaelis, Lingg. Or. in illustr. Friedericiana Prof. Extr. dissertatione de vocum seminibus, ac litterarum significatione hieroglyphica*, Halae a. 1791. Solidiora sunt, quae de significatione vocum et litterarum naturali adfert *Periillustris Leibnizius* dissertatione *de originibus gentium aëlis potissimum ex indicio linguarum*, quae in *Miscellaneis Berolinensibus* prima est. Ita, verbi causa, in voce *recken* extendere, ex ipsa natura soni litteram caninam

ANNOTATA

ninam motum violentum notare ait, at k finale, eius obstaculum, quo si-
statur. Vbi vero ruptio fiat, pro littera kistente sequi, vel z, motus exe-
untis indicem, uti in *Riss, reissen, viz*. Tales, inquit, *desegum sese primas ori-*
gines vocabulorum, quoties penetrari potest ad radicem τῆς ὀνομαστορίας. Sed
plerumque tractu temporum veteres et nativae significationes crebris translatio-
nibus mutatae sunt, aut obscuratae. Neque vero ex instituto profectae, et quasi lege
conditae sunt linguae; sed naturali quodam impetu natae hominum sonos ad adfe-
ctus motusque animi attemperantium. Et paucis interlectis. In linguis paulatim natae
orta sunt vocabula per occasiones ex analogia vocis cum adfectu, qui rei sensum
comitabatur: nec aliter Adamum nomina imposuisse crediderim. Ceterum
quae litterae quibus rebus exprimendis maxime inferuiant, a Platone iam
disquisitum est in Cratylō: quo vero modo ab oratore, et imprimis a poeta
adcommodari possint ac debeant rebus, quae describuntur, exemplis luculen-
tis docetur ab Vossio τῶ πύου, in institutionibus oratoriis lib. IV. cap. II. et in-
stit. poeticis lib. I. cap. VIII. §. II. item lib. III. cap. VI. §. 6.

Similiter artificia rhetorices patebunt clarius, si probe fuerit intelle-
ctum, quomodo ex iis, quae natura fiunt, sint deriuata: quo pacto ar-
gumenta ex ipsa rei consideratione; verborum copia ex observatione et v-
su; numerus ex delicato aurium iudicio; tropi partim ex necessitate, vo-
cabulorum scilicet penuria, partim iucunditate, cum vno verbo plura ve-
locissimis animi cogitationibus repraesentantur; figurae vero dictionis, in-
primis illae τῶς τὴ πύου facientes ex adfectu dicentis, animique singulari
commotione enascantur: atque ea quam maxime probentur, quae non
tam artificium anxie quaesitum, quam ipsa rei natura ita tulisse videatur.
Quae quidem omnia eloquentiae Romanae princeps confirmat passim in
libris, quibus oratorem instruit, cuius eloquentiae studiose diligentissime
voluendis, naturamque ducem sequi iubet industria. Facere non possum,
quin

ANNOTATA

quin denuo egregium in hanc rem adscribam locum ex eiusdem lib. III de Orat. § 195. *Illud autem ne quis, inquit, admiretur, quoniam modo haec vulgus imperitorum in audiendo naset. Cum in omni genere, tum in hac ipso magna quaedam est vim incredibilique naturae. Omnes enim tacito quodam sensu, sine ulla arte aut ratione, quae sint in artibus, ac rationibus recta ac prava, diiudicant: idque cum faciunt in picturis et in signis, et in aliis operibus, ad quorum intelligentiam a natura minus habent instrumenti; tum multo ostendunt magis in verborum, numerorum, vocumque studio, quod ea sunt in communibus infixis sensibus, neque earum rerum quemquam funditus natura voluit esse expertem.* In eandem sententiam de rhetorica naturali, artificialis parente exponunt *Aristoteles* sub initium statim cap. 1, lib. 1 *rhetoric.* et b. *Schraderus* in commentario: *Longinus* *πρὸς ἑρμηνείαν* sect. 11. et *Fabius* lib. 11 institut. orat. cap. XVIII. lib. III. cap. XI, et lib. VI, cap. III, ubi de mouendis adfectibus ita praecipit: *Mihi in animo est, quae latent penitus, ipsa huius loci aperire penetralia: quae quidem non aliquo tradente, sed experimento meo, ac natura ipsa duce accepi.* (mirum tamen, ni meminerit *Fabius*, idem a *Cicerone* dictum, ubi de adfectibus agit; uti inter alia lib. III de orat. §. 215 seq.) Summa enim, pergit, quantum ego quidem sentio, circa mouendos adfectus in hoc posita est, ut moueamur ipsi. Nam et ludus, et irae, et indignationis aliquando etiam ridicula fuerit imitatio, si verba vultumque tantum, non etiam animum adcommodauerimus. Quid enim aliud est causae, ut lugentes utique in recenti dolore aliquid disertissime exclamare videantur, et ira nonnumquam indoctis quoque eloquentiam faciat, quam quod illis inest vis mentis, et veritas ipsa morum. *Haec Fabius* Hinc recte *Augustinus* de rhetorices praeceptis adfirmat, illa ab eloquentibus in dicendo obseruari, licet de iis ne cogitent quidem; siue illa sciant, siue nesciant. *Implent quippe illa, quia sunt eloquentes; non addibent, ut sint eloquentes.* Vid. *Arnaldi* *Ars cogitandi* e Gallico sermone in Latinum translata;

F

parte

parte III cap. XVII, ubi haec Augustini citat, et plura hac de re disserit.

Quod ad logicam attinet; illa quoque ex sententia auctoris iam laudati exposita *parte IV cap. IX* tradetur optime, si regulae fuerint reuocatae ad principia maxime naturalia, et iudicio communi consentanea; nec tam harum spectetur cortex, quam bonus sensus, *le bon sens*, anima logices. Quare et examinandam potius dicit ratiocinationis soliditatem per lumen naturale, quam per regularum formulas. A qua quidem sententia non abludit *summe Rev. D. KOCHII, Philos. in illustri Iuliae Professoris incliti* exquisitum programma *de unico soluendi omnis argumenti modo*, quem non tam recens, uti ait, excogitatum, quam usu iudicatum, et comprobatum in eo ponit, ut examinetur diligenter an ratio conclusionis, nunc una, nunc duabus, et inter has minori fere semper propositione comprehensa, vera sit, et ad conclusionem adprobendam comparata. De logica naturali, unde nata artificialis, vid. eiusdem *celeb. KOCHII initia Polyhistoris logici cap. I §. VIII, seqq.*

Denique vniuersum hoc, in quo commentatiuncula mea versatur, argumentum egregie illustratur, confirmaturque grauisimo venerabilis celeberrimique AVDDEI iudicio, in praefatione laudatae Arti cogitandi praefixa his verbis exposito; *Naturae insilire vestigiis planissima brevissimaque ratio est eam perficiendi. Enim vero ego ita arbitror, non opus esse tanto apparatu, tot ambagibus, tanta regularum et praeceptorum mole. Sola exercitatione perfici insigniter et iudicii et ingenii res potest, ut ad summam, quantum imbecillitatis humanae ratio permittit, culmen deducatur. Adde, scopum superiorum omnium repetiturus, insignem locum ex Edmundi Rischerii obsterice animorum, aureolo libello, qui cap. IV §. VIII ita habet. Nobis recte ingenii pueris-
das cupientibus ex provinciae susceptae instituto videre diligenter incumbit in omni genere artium et studiorum, quid natura, parens optima et sapientissima probe, improbeque; damnet aut confirmet; praemonstret, aut abscondat; quo*
im.

impellat, et unde retrahat: quia, in quamcunque partem praefuleris, remis et velis properandum est. Et quoniam totius eruditionis et studiorum nostrorum summa in eo confedit; ut naturam ipsam, aut antiquos, qui naturam perfectius imitati sunt, pressis reliquiis insequamur: providendum est, qua via ad facilius et commodius praestare queamus, et reliqua.

(b) De *Paedantismo* exstat elegantissima oratio *Virici Huberi* subiuncta *Richerii* Obstetrici animorum ex edit. Lipsienfi *Rechenbergiana*: illustris etiam *Thomasi* introductioni ad Philosophiam aulicam annexa. Lectu quoque dignissima est inter venerab. D. IVSTI CHRISTOPHORI BOEHMERI Theol. atque eloquentiae in illustri IULIA Professoris celeberrimi *voluptates editas a. c. 1500* quarta, ex qua decerpta haec inferere liceat sequentia: Elegans doctrina, et ad genium saeculi adcommodata eruditioni solidae non opponitur; sed eruditioni obscurae, umbratili, ad vitam civilem ineptae: nec paedantismi nomen putidum viris solide doctis, et interioribus ac reconditis litteris excultis tribui debet. si forte non tam polituli sint ac alii; si non tam iucundi: et testium in conversatione; si haut concurre satis in circulis aut conviviis gestus flexusque corporis ad Gallicae elegantiae numeros exhibeant; si parum sedulo adfertationum aut blanditiarum illecebris aures potentium capere tentent: si nova vestium genera non inter primos imitentur, et quae alia sunt, quae ad elegantiam aut pertinent hodie, aut pertinere iudicantur. Paedantismi nemo argui debet, nisi qui inepta et insulsa eruditione tumet: aut si vera quadam et utili est ornatus, eam ridiculo vivendi agendique modo dedecorat. Idemque in *programme de viro politico doctrina, conversatione, usu formando*: non umbratica sunt, inquit, haec eloquentiae et interiorum litterarum studia, non tetrica, aut morosa: sed elegantia, amoena, humaniora, quae sui cultores humanitatem docent, et absque supercilio litterario esse iubent: licet fieri possit, ut qui se in has litteras peritus ab-

ANNOTATA

dunt et solitarie agunt, vitato hominum consortio, ipsa illa adfuetudine sensim reddantur inurbani, austeri, submorosi. et ad vitam civilem inepti: id quod tamen doctrinae ipsi sine iniuria adscribi non potest. Conferri praeterea merentur EIVSDEM prolusiones elegantissimae de vita litteraria, de bellis litterariis, de artibus inclarescendi in republica litteraria, de decore in civili vita atque conversatione observando; quae singulae hoc argumentum tangunt.

Ceterum si paedantismus nihil aliud est, quam doctrina fastu, virtute ficta, ineptoque iudicio corrupta; vti Huberus laudata oratione definit: antiquissimis iam temporibus ei obnoxii fuerunt sophistae; ab vere eruditis non minus quam prudentioribus inter illitteratos ea propter exagitat merito, et contemptim habiti: vti cum e tabula Ceбетis in *Ψευδοπαιδεία* circulo eruditos quoscumque a verae virtutis studio alienos collocantis, tum e Platone, Plutarcho, Luciano Seneca, aliisque gravissimis auctoribus eosdem insectantibus luculenter constat. Neque plane iniuria sophistices et paedantismi nomine etiamnum vilipenditur scholasticorum, qui dicuntur, eruditio, inani fere contemplationum subtilitate turgida, et solida fruge destituta; atque a primis meliorum litterarum instauratoribus, Reuchlino, Erasmo Roterodamo, Ludouico Viue, Melanchthone, aliis, acerrime oppugnata elegantioris doctrinae copiis, et regno suo exturbata, atque hinc inde in exilium acta. Non alienum fuerit imaginem huius *Ψευδοπαιδείας* hic exhibere suis coloribus pictam ab Ludouico Viue lib. de causis corruptarum artium l. p. m. 62. Quia inquit, istis inter scholasticas illas concertationes et pugnas nullus fuit locus vel historiae cognoscendae, vel praeceptis morum, vel eloquentiae, vel institutis civitatum, et rationi rei publicae administrandae; tantum in fictis illis quisquiliis molesti et rixosi, corruptum ad negotia sine primata, sine publica iudicium traducunt. Quocirca nemo semel operam illorum experiri magnitudinem tabus adhibet: in coetu homi-

num

num superciliosi, in convivio morosi. et tristes, in concionibus loquaces et inepti; in consiliis importune cavillosos, omnia tentans carpere et consellere ex fectis illis suis normis, in magistratu rapaces, in potestate impotentes, in colloquio spinosi, et ab omni humano sensu alieni. Vt quemadmodum de philosophis suis temporis ait Socrates in Apologia Platonis, melius multo de rebus iudicaveris vulgus hominum, quam illi scilicet sapientiae consulti. Hinc porro factum ait, ut honos detractus sit artibus; ut ex multis iudicatum sit de omnibus eruditionis nomine cenferi cupientibus: ut iam olim in populo Romano qui magni ac honesti cuperent esse, praeter dicendi facultatem, et iuris civilis scientiam, vel negligerent prorsus reliquam eruditionem; vel, si quam didicissent, occultarent, ne se proferret; et tam sollicite litteras tegerent, quam erant discendae. Vti Marcus Antonius Orator, ut est apud Ciceronem, hoc probabiliorum orationem suam populo fore existimavit, si dilicisse nunquam putaretur.

(c) Naturam divitias, quibus contenta sit, et parabiles, et terminatas habere; Ciceronis vtor verbis lib. II. de finibus bon. et mal. c. 13. experientia, resque ipsa abunde testificatur; neque testimoniis auctorum comprobari est necesse, quae magno numero exhibent locorum communium scriptores. Et vero in scientiis etiam faciliora esse quae maxime sunt necessaria, etsi nemo rerum intelligens non videt; lubet tamen confirmare verbis Edmundi Richerii cap. IV §. VIII. *Observe, anim.* quae ita habent: Postquam nos ratio et communis experientia edocet; naturam nec deesse unquam in necessariis, nec luxuriare in superfluis: danda est opera, ut inter docendum, vel studendum nihil nos necessarium praeteruolet; vel ut nihil unquam proponamus, quod non sit valde necessarium: in quocumque genere artis aut scientiae versemur. Siquidem, ut in vita humana necessaria omnia in proclivi sunt, se nobis etiam non cogitantibus offerunt, et certo ac definito numero c r; minus autem necessaria, velut in cen-

ANNOTATA

Centro terrae abscondita, indefinita latent, nec facile parantur: sic in ratione studiorum, necessaria omnium manibus conteruntur, facillime etiam a pueris percipiuntur, nec mentem aut memoriam cuiusquam conturbant; et ubi semel percepta et cognita sunt, nobis sine praeceptoris auxilio ad cetera sponte et proprio Marte indaganda et intelligenda digitum intendunt. Scitum enim est illud philosophorum proloquium: scientias et artes ab infinito abhorre. Infinitum ego appello maiorem praeceptorum multitudinem, quam par esset ingeniis et memoriae fragilibus: quia artes nos expolire et perficere, non torquere, aut conturbare debent. Hinc illud *Horatii praeceptum, Arte poet. v. 336*

Quiaquid praeicipies, esto brevis.

Conf. Tschirnhausen Medic. Mentis Part. II. p. 204 seqq.

(d) De philosophiae studiis ita Cicero lib. III de Oratore persona L. Crassi. §. 87. 88. Quo faciunt, et ea, quae hunc locum proxime antecedunt:

At, si quaeris, Catule, de doctrina ista quid ego sentiam: non tantum ingenioso homini, et ei, qui forum, qui curiam, qui causas, qui rempublicam spectet, opus esse arbitror temporis, quantum sibi ii sumserunt, quos discenteis vita defecit. Omnes enim artes aliter ab iis tractantur, qui eas ad usum transferunt: aliter ab iis, qui ipsarum artium tractatu delectati nihil in vita sunt aliud acturi.

Atque ita pro instituti sui ratione se quoque rebus mathematicis operam dedisse, testatur idem eloquentiae Romanae parens lib. I de Officiis §. 18. 19. Locum paullo licet prolixiorem adscribo; cum non solum argumentum hoc egregie illustret; sed et praeceptum ad veritatis cognitionem consequendam suggerat idem, quod mathesis in primis ipso usu edocet. In hoc, inquit, genere et naturali et honesto, veri nimirum cognitione, duo vitia vitanda sunt: vnum, ne incognita pro cognitis habeamus, hisque temere adsentiamur. Quod vitium effugere qui volet; omnes autem velle debent;

bent; adhibebit ad considerandas res et tempus, et diligentiam. Alterum est vitium, quod quidam nimis magnum studium, multamque operam in rebus obscuras atque difficiles conferunt, easdemque non necessarias. Quibus vitiis declinatis, quod in rebus honestis et cognitione dignis operae curaque ponitur, id iure laudabitur: ut in astrologia Sulpitium audiuius; in geometria Sextum Pompeium ipsi cognouimus. Multos in dialectica, plures in iure ciuili quae omnes artes in veri inuestigatione versantur: cuius studio a rebus agendis abduci contra officium est, virtutis enim laus omnis in actione consistit.

[e] Quae, de tribus in qualibet lingua perfectionis gradibus e *Tschirnhausi Medicina mentis part. II pag. 254 ex edit. altera.* sunt allata, a Morhusio quoque adducuntur in *Polyhist. litter. lib. II cap. IX de methodo in linguis discendis*, Ceterum grammaticam regulis quam fieri potest paucissimis esse tradendam, nec in eius minutis consensendum, laudatorum auctorum locis prolapsis cumulatim adductis comprobari posset: verum sufficiant in re manifesta, vnus et alter. *Erasmus in de ratione studiorum* exquisitissimo tractatu dissertationibus variorum xiv. de studiis instituendis, Amstelodami ab Elzeuio a. 1645 iunctim editis inserto: Doctor, inquit, diligens et doctus, perique iudicio non grauabitur collatis omnibus grammaticorum praeceptis excerpere quaedam, et simplicissima, quoad quidem fieri potest, et breuissima tum ordine quam maxime commodo. *Caselius, de ludis iterario recte aperiendo*: Ego vim vniuersae artis grammaticae potissimum in flexione dictionum consilire arbitror: in qua puerum ita exerceri velim, vt sit exercitissimo promptior; praeceptionibus omnibus vero et regulis oneretur quam fieri potest paucissimis, statimque ducatur ad intelligendos Latinos scriptores. *G. I. Vossius parte II. dissert. de studiorum ratione*: Mox hauriet puer praecepta artis grammaticae, quae adeo sunt pauca, vt pagellis viginti liceat complexi: quod et in Graecis locum habet. Imo ea qua-

ANNOTATA

quaternione, ut vocant, vnico soleo comprehendere. Idem *de arte gramm.* libro VII, *qui est de constructione*, cap. 1. Aliquanto aliam, a veteri, ipsorum Romanorum, *grammaticae* Latinae docendae ineundam esse rationem lubens agnosco: etsi interim tantam canonum, exceptionumque molem, qua pueritiae ingenia hodie obtundunt, neutiquam necessariam, imo noxiam maximopere esse sentio. Io. Scurmius, qui cum Melancthone communis Germaniae praeceptor salutari meretur, cum in aliis, quae de recta et solida iuuentutem docendi ratione scripsit, tum in *Epistolis classicis et academicis*, accurante venerabili Viro, IVSTO à DRANSFELD in *Elect. Gymn. Gotting. S. Theol. Prof. et Paedagogiarcho*, inter innumeros litterarum cultores de me quoque optime promerito, a. 1585 seorsim editis, complura in hanc sententiam habet, inflexionemque non tantum et verborum consuetudine magis et exercitatione, quam regulis a puero comprehendendi, syntaxin quoque regulis non nimis numerosis, sed breuem, verbis claram, et exemplis apertam esse vult, *epist.* III p. 13 et *epist.* IV p. 19. Richerius laudato libello cap. IV extremo, et initio cap. VI de grammatica, via reduciore et planiore docenda, agit fusius. Prae ceteris quoque Sanctii Minervam, Sciapii Grammaticam philosophicam, et consultationes totas in hoc argumento versari, neminem fugit. Rol. Maresius pro grammatices latinae praeceptis lingua vernacula tradendis contra vulgarem consuetudinem pugnat acriter in *epistolis philologicis* bonae frugis plenissimis lib. 1. ep. XVI. et lib. II. ep. XXIX. Idem agunt Hauemannus in *Amusio* seq. 11 cap. II. Wagenfeliuss in *pera librorum iuuenilium*, vbi de poesi latina praecipit: Ge. Rollenhagius cap. XIII paediae suae: Comenius de *methodo* c. VI. alique, quorum verba exhibet B. Io. Alb. Gebhardi *Gymn. Mart. Brunf. Rector. celeb. dissert. 1 de vera methodo studiorum humanicrum, testimoniis doctorum virorum comprobata.*

(f) Quintil. *instit. orat. lib. I. cap. XIX.*

(g)

(g) Conqueritur beatus Vir pluribus dicto loco de communi illo, qui in iuuentutis institutione committitur, errore: quod, cum animus humanus tergemina praecipue facultate, voluntate, intellectus iudicio, et memoria a Creatore suo praeditus sit, in perfectionem et exercitationem vitae omnis fere labor impendatur: intellectui vero, aut iudicio potius exacuendo, voluntatique ad bonum adsuafaciendae nihil aut parum operae locetur: quod memoria utramque, ut aiunt, faciat paginam, iudicium autem vix indirecte et ex accidenti tantisper demum perficiatur, et exacuatur, posteaquam tot annos immotum quasi iacuerit, et araneoso situ horridum,

(b) *Erasmus Rotterodamus* supra iam laudato de ratione studii tractatu: Primum locum inquit, grammatica sibi vendicat, eaque protinus duplex tradenda pueris, Graeca videlicet ac Latina. Non modo quod his duabus linguis omnia ferme sunt prodita, quae digna cognitu videantur: verum etiam quod utraque alteri sic affinis est, ut ambae citius percipi queant coniunctim, quam altera sine altera; certe quam Latina sine Graeca. A Graecis auspiciari nos mavult Quintilianus: sed ita, si his litteris perceptis non longo intervallo Latinae succedant: sane utrasque pari cura tendas esse monet, atque ita futurum, ut neutrae alteris officiant. Ergo utriusque linguae rudimenta et statim, et ab optimo praeceptore sunt haurienda. *Antonius Schernus* sub finem dedicationis luculentae praemissae evimio de ratione docendae discendaeque linguae Latinae ac Graecae tractatui: Per.

Latina numquam poterit, nisi cognitio et comparatio diligens Graecae accedat, ex hac enim illa non solum aucta et absoluta est; sed etiam ea, quae horridiora videbantur et incondita, polita et emendata. Et post interiecta in hanc sententiam complura: Si veri aestimatores rerum esse velimus, hanc linguarum inter se collationem tantas opportunitates habere iudicabimus, ut utramque citius hoc modo simul, quam alteram separatim perdidiceris, quod Latina sine Graeca non intelligi, Grae-

G

ca

ANNOTATA

ca sine Latina explicari et tradi non potest. Quam ob rem Latini sermonis studiosi consulere sibi melius non possunt, quam si a studiorum initiis iisdem fundamentis vtriusque linguae cognitionem exstruant, et iungant.

(i) Non possum, quin vno alteroque exemplo illustrem, quae de multiplici operationum arithmetices, inprimis in tractatione fractionum compendio attigi. Ita e. g. diuisio fractionum, quae peragitur multiplicatione per crucem, aut multiplicatione directa, si inuersa primum fuerit fractio diuidens, nihil aliud est, quam compendium eius operationis, qua fractio diuidenda ad maiorem, eumque terminum esset euehenda, cuius numerator per numeratorem, denominator per denominatorem fractionis datae exacte diuidi posset. Enim vero multiplicatio denominatorum, ad exprimendam maioribus numeris eandem fractionem necessaria, ob eorundem necessariam iterum per numeratores diuisionem, in simplicem numeratoris fractionis diuidendae multiplicationem per denominatorem diuidentis commode mutatur. e. g. sint $\frac{2}{3}$ diuid. per $\frac{3}{4}$ euehantur $\frac{2}{3}$ ad aequiualem

fract. $\frac{24}{36}$ iamque diuidantur 24 per 3, 36 per 4, erit quotus $\frac{8}{9}$ qui et

idem emergit per multiplicationem directam post inuersum diuiforem. Insigne porro compendium, vti in regula aurea, ita et in fractionibus, numerorum compositorum ad primos reductionem praebere notumque.

At vero ipsum abacum Pythagoricum, effictum, illam proportionalium numerorum reductu tuitu suppeditare, de quo *Clavius ad Enc. Elem. lib. v. p.*

bus animaduertitur. e. g. si sit fractio $\frac{18}{27}$, statim deprehendet, ac

equiuale $\frac{2}{3}$ qui numerum vtrumque primum, 2 nempe et 3, in eadem serie siue columna, in qua et numerator, et denominator, pari modo in fractionem $\frac{2}{3}$ componet, idemque ad latus vtriusque, quo fractio constat, nu-

nu-

numeri. reperietur, communem diuisorem maximum; et numeros inter-
 medios $\frac{4}{6}, \frac{6}{9}, \frac{8}{12}$ reliquosque omnes, progressionem quippe arithmetica per
 differentias 2, 3, 4, etc. crescentes, proportionales agnoscet. Pariter e. g.
 54 ascendendo ad numeros in vtraque columna primos statim deprehen-
 81

dentur aequiualeant $\frac{6}{9}$ seu $\frac{2}{3}$ quod quantum non solum in fractionum, sed et
 in regulae aureae tractatione sit compendium, dici non potest. Atque
 hinc patet, de quo et experientia mihi constat, quod incredibilem prae-
 bere queat vsus abacus Pythagoricus, seu tabula multiplicationis et diui-
 sionis vulgari decuplo maior, vtrinque scilicet ad 100 deducta, inque vr-
 chartae maioris folio, aut aliquot foliis minoribus conglutinatis decenter
 exscripta.

Ad regulam auream quod attinet, itidem, alios docendo, experient
 sum edoctus, communi illi methodo numerum tertium multiplicandi per
 secundum, et quod inde conflatum est, diuidendi per primum, minime
 posthabendam alteram, ordini quoque naturali conuenientiore rationem
 quartum proportionalem inueniendi, diuidendo secundum per primum,
 ut ipsa ratio, quoties scilicet hic in illo contineatur, distincte pateat; et
 hac deinde ratione multiplicando tertium, ut prodeat quartus, hunc to-
 ties continens, quoties secundus primum. Immo cum hoc pacto vnitas
 ponatur primo loco: cum nomen rationis statim cognoscatur: cum pro-
 portionis indoles elucescat clarius: cum in plerisque insigne etiam operae
 fiat compendium: neque vulgari methodo citius vnquam res expediatur,
 nisi cum ratio est multiplex superpartiens, secundusque primum, aliquo-
 ties continens et infer aliquot eius partes: aequae huic, minus vsitatae,
 ac vulgari 10. regulae aureae praxi tirores aduofaciendos censeo, et feliciter
 aduofieri deprehendo.

(k) Proportionem animam esse matheseos, in apico est; neque adeo
 mirum, *Euclid. Elem. lib. v, vi, vii, viii* nihil fere aliud, quam proportionis
 indolem, arithmeticas adfectiones atque consecutaria explicare: idemque
 in primis tacere *Clavius*, luculento *ad lib. v. Eucl. commentario*, nec
 quidquam a mathematicis frequentius cum verbis, tum opere ipso vsur-
 pari, quam proportionem. Immo non matheseos solum, sed scientiarum
 omnium animam, diuinorum, humanorumque operum normam, vitae
 duccm,

ducem, et sentiendi, et dicendi, et agendi magistram esse proportionem paullo penitius rem consideranti patet; ostensumque haud ita pridem eleganter est a venerabili celeberrimoque CASP. CALVÖR, oratione inaugurali, inscripta: *Metron mentis universale, quo mensuras intellectus uniuersae, tum facta, tum faciendae*. Quae de proportionis in constructione problematum algebraicorum vsu, aequalitate scilicet in proportionem resoluenda attigi, *parte II. Matheseos enucleatae Sturmii*, prima statim fronte, ubi de aequationibus simplicibus exponit; inque *Francisci a Schooten tractatu de concinnandis demonstrationibus*; in *introductione ad methodum Geometriae Renati des Cartes p. m. 164. seqq.* neque non apud auctores alios in hoc genere versantes crebro occurrunt.

(l) E. W. von Tschirnhausen in *gründlicher Anleitung zu nützlichen wissenschaften, absonderlich, zu der Mathesi und Physica*, p. 39 edit. II. *Diese wissenschaft, die Algebra, so in der that die Philosophia matheseos ist, und deren vortreflichkeit genug von den neotericis angewiesen worden, recht zu erlangen, darff man sich ganz keine grosse schwürigkeit einbilden. Denn alle deren operationes viel leichter, als die operationes arithmeticae. Darnach werden sie so oft, und die vornehmsten fast in einem ieden exempel repetiret: die principia bestehen in sehr wenigen, daß man rudissimum quemque hierzu bringen kan. Der nutzen aber ist von unglaublicher wichtigkeit.*

(m) Vid. I. C. Sturmii in *Philos. eclat. dissert. de mathematis, et mathematicis* cap. v. §. VIII.

(n) Morhofius *Polyb. litt. lib. II cap. x §. 34. f.*

(o) Morh. *Polyb. litt. lib. II. c. IV. §. 38 seqq.*

(p) Cartesius *Meditatione V sub init.* Paschius *de inuentis noui antiquis* cap. III. §. II. p. 148.

(q) De vtilitate ac necessitate simulacrorum ad practica matheseos applicatae feliciter tradenda agit celeb. Leonh. Cl. *tract. de natura et constitut. mathes. tum praefatione praemij in append. Matheseos suae compendiariae Germanice scriptae, sub finem.* Eade in adminicula requirit Io. Rud. Fäsch *tractatu*, cui tit. *Unmaeblicher Vrschlag wie ein hoher Landes Herr seine adelichen Lantacs-Kinder zu allen zu mathesi geborigen Wissenschaften unter einer wohl eingrichteten Verfassung vnslich und grundlich kenne unterrichten lassen.* *Part. II. §. VI, VII.*